


Vischnaunca da Medel/Lucmagn



**Reglament concernent il survetsch da lavinas
per la
vischnaunca da Medel/Lucmagn**

I. Determinaziuns generalas

Art. 1 Intent

Il survetsch da lavinas, sco part dil stab da commando communal (SCC), ha igl intent da segidar e cussegljar tenor situaziun e basegns, principalmein da neiv e lavinas.

Art. 2 Pensums

Il pensums dil survetsch da lavinas ein ils suandonts:

- a) l'observaziun da neiv e lavinas;
- b) igl avisar la suprastonza communal en cass da prighel;
- c) exequir las lavurs necessarias tenor ordinaziuns dil stab da commando communal (SCC);
- d) nominar il menader ed il substitut sco commember dil SCC.

Art. 3 Incumbensa

Scadin commember dil survetsch da lavinas semetta a disposiziun dil menader dil survetsch da lavinas.

Art. 4 Indemnisaziuns

¹ Ils funcziunaris dil survetsch da lavinas vegnan indemnisai per lur lavur tenor las ordinaziuns valeivlas existentas dalla vischnaunca.

² Il diever da material, vehichels, maschinas, utensils etc. vegn indemnisaus conform las tariffas usitadas dil liug, aschinavon ch'el ei d'attribuir allas ordianziuns dil survetsch da lavinas.

Art. 5 Disavantatgs

Disavantatgs che seresultan ord eventualas mesiras stipuladas da sforz (evacuaziuns, fermadas da vias etc.) dattan negin dretg sin cumpensaziun effectiva ni en daner.

Art. 6 Cuosts currents

Per cuvierer ils cuosts currents preveda la suprastonza communal in importo commensurau el preventiv da vischnaunca.

Art. 7 Responsabladad

Il menader ed ils commembers dil survetsch da lavinias san vegnir fatgs responsabls mo en cass da greva malprecauziun.

Art. 8 Radunonza generala

Il menader dil survetsch da lavinias ensemen cul gerau cumpetent cloma el meins da november ina radunonza obligatoria per tuts commembers dil survetsch da lavinias.

II. Organisaziun e subordinaziun

Art. 9 Survigilanza ed elecziuns

Il survetsch da lavinas ei subordinaus alla survigilanza suprema dalla suprastanza communal. Quella elegia per ina perioda d'uffeci da 3 onns il menader dil survetsch da lavinas ed il suppleant. Ils caus ed ils suppleants dallas ulteriuras partiziuns da survetsch vegnan elegi a caschun dalla radunonza dil survetsch da lavinas.

Art. 10 Partiziuns da survetsch

Il survetsch da lavinas cumpeglia las suandontas partiziuns da survetsch:

- survetsch d'observaziun
- survetsch da salvament
- survetsch da material

Art. 11 Menader dil survetsch da lavinas

¹ Viers la suprastanza communal eis el responsabels per la cuntinuada promptadad persunala e pil material d'engaschament dil survetsch da lavinas. El ha da suttametter alla suprastanza communal decisiuns da permanenta impurtonza economica ni da traffic per examinaziun ed approbaziun.

² Sur las ordinaziuns dil menader ei da menar in protocol. En entelgientscha cun la suprastanza communal duei il menader arranschar mintg'onn in exercezi d'emprova per examinar la promptadad d'engaschament dil survetsch da lavinas.

Art. 12 Caus da partiziuns

¹ Ils caus dallas singulas partiziuns dil survetsch han da suandar las ordianziuns ed ils camonds dil menader. Ein las communicaziuns interrutas, han els da prender tuttas mesiras che surveschan per evitar novs accidents. Leutier ei adina da prender la prioritad absoluta cun tuttas forzas pil salvament da vetas humanas.

² Sur lur ordinaziuns e mesiras han ils caus dallas partiziuns da survetsch adina da menar in protocol, il qual ei da surdar suenter igl engaschament al menader dil survetsch da lavinas.

³ Ils caus ein responsabels viers il menader per la permanenta promptadad persunala e materiala dils survetschs subordinai ad els.

III. Obligaziuns dallas partiziuns da survetsch

Art. 13 Obligaziun

Las partiziuns da survetsch ein obligadas che la communicaziun tier il post da commando funcziuneschi.

Art. 14 Direcziun ed administraziun

Il menader ei responsabels per la permanenta prontadad d'engaschament dil survetsch da lavinas. El survigilescha tuttas lavurs dils caus dallas partiziuns. Ladministraziun vegn procurada entras la canzlia communal.

Art. 15 Survetsch d'observaziun

Il cau dil survetsch d'observaziun ei en special responsabels che:

- a) l'activitad d'observaziun vegn repetida tier nevadas intensivass, consultond ulterieras instituziuns d'observaziun (TBA, BABLW, SLF, IMIS).
- b) il menader dil survetsch da lavinas vegn informaus en cass da prighel.
- c) las observaziuns vegnan francadas en in protocol.

Art. 16 Survetsch da salvament

¹ Il survetsch da salvament stat en emprema lingia a disposiziun ad organisaziuns da salvament cun prioritad (colonna d'agid eav.).

² Ein talas organisaziuns impedidas, surpren il survetsch da lavinas l'organisaziun da salvament. En special:

- nominar in cumandant dil plaz;
- clamar il survetsch da sanitad (miedi, samaritans eav.)
- recrutar in sufficient diember da gidonters;
- procurar per il material necessari sil plaz;
- menar protocol;
- organisar il survetsch da midada.

Art. 17 Survetsch da material

Il responsabel ei obligaus:

- ch'ei vegn menau in register sur dil material disponibel;
- ch'ei vegn menau controlla cun confirmar la retschevida dil material empristau;
- ch'il material da survetsch ei adina prompts;
- ch'ei vegn organisau tenor basegns material supplementar;
- ch'ei vegn completau material niev tenor basegns.

IV. Entrada en vigur

Art. 18 Approbaziun e vigur

¹ Quest reglament passa en vigur cun l'acceptaziun dalla radunonza communal. El remplazza il reglament concernent il survetsch da lavinas dils 20 d'uost 1996.

² Quest reglament ei vegnius approbaus dalla radunonza communal dils 1 da settember 2003.

La presidenta communal:

Il canzlist communal:

Anna Bundi-Pally

Valentin Pally